

Imaqarniliaq

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Imm. 02 Siulittaasup nalunaarutaa.

Aningaasaqarnermut tunngasut

Imm. 03 Balance-t.

Suliassat nalinginnaasut

Imm. 04. Sarfannguani allaffiup allissutissaa.

Imm. 05. Nunaqarfinnut 2017-mi aningaasaliissutit

Paasissutissiissutit/Ilisimatitsissutit

Imm. 06. Ilisimasitsissutit

Imm. 07. Tamalaat.



Nunaqarfimmi aqutsisut Sarfannguit / Itilleq ileqquusumik ataatsimiinnerat.
22.02.2017 Nal: 09:00 Kommunip allaffiani
Imaqarniliaq

Ataatsimiinneq aallartippoq nal:

Peqataasut:

Siumut: Peter Karlsen, Itilleq

Hans Karl Olsen, Sarfannguit

Ludvig Sakæussen, Sarfannguit

Najaaraq Goliathsen, Sarfannguit

Partii Naleraq: Tukannguaq Dahl, Itilleq

Nalunaaruteqarlutik peqataannngitsut: Soqanngilaq

Nalunaaruteqaratik peqataannngitsut Soqanngilaq



Nunaqarfimmi aqutsisut Sarfannguit / Itilleq ileqquusumik ataatsimiinnerat.
22.02.2017 Nal: 09:00 Kommunip allaffiani

Imaqarniliaq

Imm. 01 Oqaluuserisassat akuersissutigineri

Aalajangiineq,

Akuerineqarput



Imm. 02 Siulittaasup tulliatu nalunaarutaat.

Ilanngussaq 1.

Siulittaasup nalunaaruta, Sarfannguit. *Ludvig Sakæussen saqqummiussivoq*

Ilanngussaq 2.

Siulittaasup tulliatu nalunaaruta, Itilleq, *Tukannguaq Dahl Saqqummiussivoq*

Aalajangiineq: *Tusaatissatut tiguneqarput.*



Imm. 03. Balance-t.

Tunuliaqutaq

Balance Sarfannguit / Itilleq 10.februar 2017-meersut.

Maleruagassatigut tunngavissat.

Balance /

Karseqarnikkut Qeqqata Kommunια-ta maleruagassaa.

Innersuussutigineqarpoq ilaasortanit tusaatitut tiguneqassasut.

Aalajangiineq *Tusaatissatut tiguneqarput*

Ilanngussaq

1. Balance-t februar 2017-meersut.



Imm. 04. Sarfannguani kommunip allaffiata allilerneqarnissaanut siunnersuut Teknikkimut avatangiisinullu immikkoortorta qarfimmi sanaartonermin nakkutilliisumit Nuka Dahl- imit.

J.nr.

Tunuliaqutaq:

2017-mut missingersersuutit, atuuffik 71-04 Sarfannguani kommunip allaffiata allilerneqarnera.

Maleruagassatigut tunngavissat

Allaffeqarfimmi sulisunut atugassarititaasut ullutsinnut naleqqussarniarlugit allaffeqarfik Allangortiterneqartariaqarpoq, matumanipingaartumik innuttaasunik sullissineq ilanngullugu.

Pissutsit atuuttut:

Ullumikkullu Sarfannguani innuttaasunik sullissivik, Kommunip Allaffia-ni ittoq, ini ataasiinnaavoq.

Ulluinnarni innuttaasunik oqaloqateqarnermi allaffimmi oqaloqatigiinneq allanit isersimaqataasunit Tusaaneqarsinnaavoq, takuuk allaffiup titartarneqarnera ullumikkut atuuttoq, ilanngussa 1.

Aningaasaqarnikkut allaffissornikkullu kingunerisinnaasai:

Missingersersuutini 2017-mut atugassiisutini 600.000, koruuniupput.

Allaffeqarfiup naliliinera:

Allaffik tallineqarpat ataasiakkaanik sullissineq inimi immikkoortumi pisinnaalissaaq, takuuk Allissutissami titartagaq, ilanngussa 2.

Allaffik tallineqarpat siunnersuisunut, sanasunut, innaallagisserisunut, VVS-inut, annerusumik aningaasartuutaalissapput.

Ullumikkut allaffik pioreersoq 2 meterinik ilallugu, siunertap piviusunnorsinnaanera periarfissaalissaaq.

Allaffimmi atuisut; Aron Olsen, Nunaqarfinnut ataqatigiissaarisooq; Louisannguaq Rosing, Atorfillit pisortaat; Hans Christian Sværd peqatigalugit ilusissaa titartarneqarpoq.

Innersuussut

Allaffeqarfiup innersuussutigaa, Sarfannguani Itillimilu Ataatsimoorussamik nunaqarfinnut aqutsisut siunnersuummik akuersissuteqassasut.

Aalajangiineq.

Innersuussut akuerineqarpoq.

Ilanngussa

1. B-1289 illup ilusaa atuuttoq
2. B-1289 – alliliinerup kingorna ilusissaaq.



Imm. 05.

Nunaqarfinnut 2017-mi aningaasaliissutit pillugit Borgmesteri Hermann Berthelsen aammalu pisortaanerup sulisunut pisortaa Hans Christian Sværd Nunaqarfinnut aqutsisunut allagaqarput ulloq 16. feb. 2017-mi.

Nunaqarfinni suliffissaqartitsiniarnermut inuutissarsiutitigullu ineriartortitsinissamut, Namminersorlutik Oqartussat 2017-imut Aningaasanut inatsisitigut 7.588 mio. koruuninik immikkoortitsipput.

Aningaasaliissutit kommunit akornanni naligiimmik agguataarneqarnerisa kingorna, Qeqqata kommunia 1.595 mio. koruuninik atugassaqaqalerpoq. Aningaasat sinneri 2017-ip Ingerlanerani ataatsimoorussamik nunaqarfinnik isumasioqatigiisitsinermut atorpeqassallutik.

Inuutissarsiornermut, Suliffeqarnermut, niuernermut, Nukissiuteqarnermut, Nunanullu allanut Nalakkersuisoqarfiup kissaataa, aningaasat taakku kommuunit nunaqarfinnut amerlanerusunut siammarneqassasut. Assersuutigalugu pikkorissaanissat workshop-Ernissallu ineriartortinnissaannut ingerlaneqarnissaannullu, imaluunniit kommunimi Sumiiffimmi ataatsimi amerlanerusuniluunniit aningaasaliiffigineqarsinnaasut ineriartortinneqarnissaannut. Qeqqata Kommuniatali ukioq kingullermitulli, ukioq kingullermi suliniutit ingerlaneqarnissaannik siunnersuuteqarpoq kiisalu nunaqarfinni aqutsisunit siunnersuutinik taakkartuilluni. Assersuutigalugu aningaasat pikkorissaanissanut, isumasioqatigiinnissanut assigisaannullu, illut sulliviit pitsanngorsarneqarnissaannut atortussanillu pisinissanut kiisalu takornarialerinermit tunngasunut atorpeqarsinnaapput.

2017-imi februaarip 14-iani Aningaasaqarnermut ataatsimiititaliap ataatsimiinnermini, nunaqarfinni inuutissarsiutitigut ineriartortitinissamut 1.595 mio. koruunit aningaasaliissutaasunit, 300.000 koruuninik suliniutinut atugassanik immikkoortitsisoqarluni, ukioq kingulleq suliniutit kiisalu suliniutit nutaat tulliuuttu akuersissutigineqarput;

- UNESCO nunarsuarmioqatigiinnut kingornussassanngortitsiniarneranut 50.000 Koruunit,
- Kommunimut tamarmut atuulluni takornarialerineq pillugu Kanerlussuarmi isumasioqatigiisitsinissamut 250.000 koruunit

Nunaqarfinnilu suliffissaqartitsiniarnerup annertusineqarnissaa pillugu, nunaqarfinni aqutsisut kissaatinik nassiussiffigisassaannut, nunaqarfinnut 1.295 mio. koruunit immikkoortinneqassasut.

Aningaasaliissutit ukiumiit ukiumut nuutsinneqarsinnaanngillat, taamaattumik 2017-mi aningaasaliissutaasut atorpeqasapput. Nunaqarfinni aqutsisut siunnersuutinik, Kingusinnerpaamik tallimangornermi 2017-imi marsip 3-ani nassiuseqquneqarput.

Siunnersuutit assigiinngitsut akornanni agguataarineq pillugu, ataasinngornermi 2017-imi marsip 6-imi nunaqarfinni aqutsisut siulittaasuunik oqarasuaatikkut ataatsimeeqateqassaanga. 2017-imi sisamangornermi marsip 9-ani siunnersuutit Aningaasaqarnermut ataatsimiititaliamut nassiunneqasapput, ataatsimiititaliarlu marsip 14-iani ataatsimiinnermini inaarutaasumik aalajangiissalluni.



Nunaqarfinni annertunerusumik suliffissaqartitsiniarneq eqqarsaatigalugu, nunaqarfiit tamarmik nunaqarfimmini pitsanngorsaataasinnaasunik siunnersuutini nassiussinissaannik qinnuigineqarput, tamatuma saniatigut Inuutissarsiornermut, Suliffeqarnermut, Niuernermut, Nukissiuteqarnermut Nunanullu allanut Naalakkersuisoqarfimmit ilitersuutit naasiunneqartut innersuussutigineqarput.

Siunnersuutit tigunissaannut kiisalu ataasinngornermi 2017-imi marsip 6-ani nal. 15:00 Oqarasuaatikkut ataatsimeeqatiginissasinnut qilanaarlunga.

Aningaasaqarnikkut allaffissornikkullu kingunerisinnaasai.

Missingersersuutini ilaatinneqanngitsuni aningaasaliinerusussaapput.

Allaffeqarfiup naliliinera.

Allaffeqarfiup nalilerpaa illu sulliviup igalaavisa matuisalu taarsersorneqarnissaat piffissanngortoq taarsersorneqarnissaat, taamaasilluni aningaasaliinerusussaasoq pitsaasumik kinguneqartussa.

Innersuussut

Allaffeqarfiup innersuussutigissavaa Sarfannguani Itillimilu Illut sulliviit igalaavisa matuisalu taarsersornissaannut aningaasaliissutissanut atugassanik qinnuteqaateqartoqassasoq piffinni marluusuni immikkut tamarmik 200.000 tkr-nik qinnuteqartoqassasoq.

Aalajangiineq.

Innersuussut akuerineqarpoq.

Ilanngussat.

1. Naaminersorlutik Oqartussaarfimmiit Naalakkersuisup allagaa.
2. Qeqqata kommuniani Borgmesterip pisortaanerup sulisunut pisortaatalu allagaat.

Imm. 06. Ilisimatitsissutit

Sarfannguit

1. Nunaqarfimmi aqutsisut Itilleq/Sarfannguit 18.Januar 2017 ataatsimiinneranni imaqarniliaq. *Tusaatissatut tiguneqarpoq*
2. Allaffiup pisortaata qammat Januar 2017 nalunaarutaa. *Tusaatissatut tiguneqarpoq*
3. Vejformand -issarsiorneq / *Suli atorfinittisisoqanngilaq*
4. Ikiugigasuarnermik suliallit Sarfannguanut tikeqqinnissaat. *Aqqutit peqqutigalugit tikittoqarsinnaanera suli aalajangiiffigineqanngilaq*
5. Iiveqarfiup ungalussai siulliit akilerneqarput. *Tusaatissatut tiguneqarpoq.*
6. Ilagiit sinniisaannit allakkiaq qujaniut. *Allakkatigut akineqassaaq*
7. Suliffissaaleqisut Sarfannguit *Suliffissaaleqisut, soqanngilaq.*

Itilleq.

1. Allaffiup pisortaata qaammammut nalunaarusiaa Januar 2017-mut tunngasoq. *Tusaatissatut tiguneqarpoq*
2. Suliffissaaleqisut Itilleq. *Itillimi suliffissaaleqisut 19-nik amerlassuseqarput.*
3. Itillimi iliniartitsisup illuata nungulluni ikuallannera. *Ikuallannermut tunngatillugu paasiuminaatsumik pisoqarpoq, nunaqqatigiit Paatsuungasaqarnerat pillugu qaterisartut pisortaat paasiniaaffigineqassaaq.*



Imm. 06. Tamalaat

A) Ikuallattoqarnerani qaterinermut atortut atorsinnaanngitsut eqqartorneqarput, tamannalu Pillugu suliap killiffia paasiniarneqartussanngorlugu innersuussisoqarpoq.

B) Nukissiorfiup pisortaata Itillimi imeqarnek pillugu ajornartorsiornek kommunimit pilersinneqartumik ajornartorsiutaasoq oqaatigissaa misissorneqassasoq siunniunneqarpoq.

Sarfannguanii (Multifunktionshus) tusarniut qaqqinneqarpoq, siusinnerusukkut timersortarfeeqqamik sanasoqarnissaanik kissaat allanngortinneqarluni Katersortarfiliornissamik taarserneqarnera aqutsisunit peqataaffigiumaneqanngilaq, kissaalli allanngortinneqarani illu timersorfiusinnaasumik kissaateqarnek ingerlatiinnarneqarpoq.

Isummamillu kissaateqarnermut tunngatillugu piumasarineqarpoq arfininngornermi ulloq 25. Februar 2017 nunaqqatigiinnik isumasiornissamut utaqqikkumaneqarpoq, isumasioqatigiinnissarlu Katersortarfimmi pissaq.

Ataatsimiinneq naammassivoq nal: **13:05**

Peqataapput:

Ludvig Sakæussen Siulittaasoq Siumut Sarfannguit

Hans Karl Olsen ilaasortaq siumut Sarfannguit

Najaaraq Goliathsen ilaasortaq, Siumut Sarfannguit

Peter Karlsen ilaasortaq, Siumut Itilleq

Tukannguaq Dahl, ilaasortaq Partii Naleraq Itilleq



Nunaqarfimmi aqutsisut Sarfannguit / Itilleq ileqqusumik ataatsimiinnerat.

22.02.2017 Nal: 09:00 Kommuni allaffiani

Imaqarniliaq

